

金鑑訂正傷寒論陽明玉少陰

3

訂正仲景全書傷寒論註太陰全篇目錄

理中丸

乾薑黃連黃芩人參湯

厚朴生薑半夏甘草人參湯

桂枝加芍藥湯

桂枝加大黃湯

訂正仲景全書傷寒論註少陰全篇目錄

麻黃附子細辛湯

麻黃附子甘草湯

附子湯

四逆湯

白通湯

白通加豬膽汁湯

真武湯

通脈四逆湯

吳茱萸湯

四逆散

黃連阿膠湯

豬膚湯

甘草湯

桔梗湯

半夏散及湯

苦酒湯

辨陽明病脈證并治全篇 陽明主裏內候胃中外候肌肉故有病經病府之分如論中身熱煩渴目痛鼻乾不得眠不惡寒反惡熱者此陽明經病也潮熱譫語手足腋下濺然汗出腹滿痛大便鞭者此陽明府病也而其候各有三經病則有邪已傳陽明而太陽之表未罷兼見頭痛惡寒無汗之太陽證者有太陽之邪已罷悉傳陽明但見壯熱有汗心煩不眠口渴引飲之陽明證者有陽明之邪未已後轉少陽兼見胸脇痛寒熱往來口苦而嘔目眩耳聾之少陽證者府病則有太陽陽明謂太陽病或發汗或吐或下或利小便亡其津液胃中乾燥太陽之邪乘胃燥而轉屬陽明致小便秘數大便鞭者所謂脾約是也有正陽陽明謂陽氣素盛或有宿食太陽之邪一傳陽明遂入胃府致大便不通者所謂胃家實是也有少陽陽明謂病已到少陽法當和解而反發汗利小便亡其津液胃中燥熱復轉屬陽明致大便結燥者所謂大便難者是也其治陽明經病則以葛根湯或桂枝加葛根湯發之或以白虎湯清之或以柴胡白虎湯和之隨其證而施之可也其治陽明府病雖均為可下然不無輕重之分或攻以三承氣湯下之或麻仁丸通之或蜜煎膽汁導之量其病而治之可也此陽明病之大略也茲以在經在府二者詳疏於篇俾讀者易為分別則臨證施治自不紊矣

陽明之為病胃家實是也註陽明經內以候胃外以候肌肉陽明之為病由太陽之邪傳於其經則為陽明病外證由太陽之邪傳入胃府則為胃家實也註方有執曰陽明經也胃府也實者大便結為鞭滿而不得出也雖則遲早不同而非日數所可拘也 傷寒三日陽明脈大註傷寒一日太陽二日陽明三日少陽乃內經言傳經之次第非必以日數拘也此云三日陽明脈大者謂不兼太陽陽明之浮大亦不兼少陽陽明之弦大而正見正陽陽明之大脈也蓋由表傳裏邪熱入胃而成內實之證故其脈象有如此者註方有執曰傷寒三日該中風而大約言也脈大者陽明氣血俱多也○沈明宗曰此正陽明之正脈也仲景謂三日陽明脈大因陽明乃多氣多血之府風寒傳入邪感於中故脈顯大是為陽明邪實之正脈但病陽明務具此脈方可下奪或兼太陽之浮緊少陽之弦細或遲痰滑瀉虛弱乃屬氣血陰陽之虛雖見大實大滿亦當詳審顧慮或以小承氣湯試之或用蜜煎導法不得直施攻下也 本太陽初得病時發其汗汗先出不徹因轉屬陽明也註陽明之病本自太陽初得病特發其汗汗先出而不透徹乃為汗不如法故未盡之邪因而轉屬陽明也邪在經則為外證邪入府則為胃家實也註方有執曰此言由發太陽汗不如法致病入胃之大意

陽明病若能食名中風不能食名中寒註太陽之邪傳陽明病有自中風傳來者有自傷寒傳來者當於食之能否辨之若能食名中風是自中風傳來者以風乃陽邪陽能化穀故能食也不能食名中寒是自傷寒傳來者以寒乃陰邪不能化穀故不能食也註方有執曰此以食之能否驗風寒之辨蓋陽明主水穀風能食陽能化穀也寒不能食陰不殺穀也名猶言為也中寒即傷寒之互詞大意推原風寒自太陽傳來其辨驗有如此者非謂陽明自中而然也○汪琥曰仲景云中寒與傷寒同義非真寒證也若係真中寒是胃家虛冷藥宜理中湯之類今不

能食是胃氣實但邪未入府不作鬱熱耳因名中寒實與傷寒無異

問曰陽明病外證云何答曰身熱汗自出不惡寒反惡熱也註陽明病有外證有內證潮熱自汗不大便內證也身熱汗自出不惡寒反發熱

外證也今汗自出是從中風傳來故與中風之外證同而身熱不惡寒反惡熱則知為陽明外證故不與中風外證同也然陽明之熱發於肌

肉必蒸蒸而熱又不似太陽之陣陣發熱可知矣諫方有執曰此以太陽中風傳入陽明之外證言○魏荔彤曰病有大陽中風不解傳入陽

明者何以辨之故設問曰陽明未知其裏之何時傳來必先驗其外之何所見證答曰太陽病有身熱汗自出而惡風者此太陽中風之本證

也若身熱汗自出竟不惡風寒而反惡熱則病已去太陽而入陽明矣此陽明病由太陽中風而傳入者也 問曰病有得之一日不發熱而

惡寒者何也答曰雖得之一日惡寒將自罷即自汗出而惡熱也註太陽病當惡寒陽明病當惡熱今陽明病有初得之一日不發熱而惡寒

者是太陽去表之邪未盡故仍惡寒也然去表未盡之邪欲傳陽明不能久持故惡寒必將自罷即日當自汗出而惡熱矣諫方有執曰此以

太陽傷寒傳入陽明之外證言○程應旌曰陽明惡寒終是帶表至於府病則惡熱矣去之罷否須於此驗之○鄭重光曰此辨陽明傷寒之

外證不發熱而惡寒起自傷寒也惡寒將自罷邪過表也即自汗出邪熱鬱於肌肉腠理開汗外洩也○魏荔彤曰太陽傷寒亦有傳入陽明

者又何以辨之故設問曰病有得之一日起初之時不見發熱而但見惡寒者何病也答曰得之一日惡寒雖為太陽傷寒之證而惡寒亦將

自罷即自汗出而惡熱此是陽明病由太陽傷寒而傳入者也可知太陽中風則發熱惡風汗自出為正病太陽傷寒則惡寒無汗為正病若

傳入陽明則必以汗出惡熱為正病也○問曰惡寒何故自罷答曰陽明居中主土也萬物所歸無所復傳始雖惡寒二日即止此為陽明病

也註此釋上條陽明惡寒自罷之義陽明屬胃居中土也土為萬物所歸故邪熱歸胃則無所復傳亦萬物歸土之義陽明初病一日雖仍惡

寒是太陽之表未罷也至二日惡寒自止則是太陽之邪已悉歸併陽明此為陽明病也註方有執曰惡寒二日自止者熱入裏而將惡熱此

以正陽陽明言也○程應旌曰六經雖分陰陽而宰之者胃五藏六府皆朝宗而稟命焉一有燥熱無論三陽傳來之邪從而化熱即三陰傳

來之邪亦轉屬而變熱陰陽之邪皆歸胃土故曰萬物所歸無所復傳也○問曰何緣得陽明病答曰太陽病若發汗若下若利小便此亡津

液胃中乾燥因轉屬陽明不更衣內實大便難者此名陽明也註問曰何緣得陽明胃實之病答曰由邪在太陽時發汗若下若利小便皆為

去邪而設治之誠當則邪解而愈矣如其不當徒亡津液致令胃中乾燥則未盡之表邪乘其燥熱因而轉屬陽明為胃實之病者有三曰不
更衣即太陽陽明脾約是也曰內實即正陽陽明胃家實是也曰大便難即少陽陽明大便難是也三者雖均為可下之證然不無輕重之別
脾約自輕於大便難大便難自輕於胃家實蓋脾約大便難者每因其人津液素虧或因汗下利小便施治失宜所致若胃實者則其人陽
氣素盛胃有宿食即未經汗下而亦入胃實也故已經汗下者為奪血致燥之陽明以滋燥為主未經汗下者為熱盛致燥之陽明以攻熱
為急此三承氣湯脾約丸及蜜煎土瓜根猪膽汁導法之所由分也諫方有執曰古人大便必更衣不更衣言不大便也○程應旌曰轉屬層
次不止有表罷罷之分而表罷罷入裏復有燥實燥不實之辨所以有不更衣之陽明病與不更衣之陽明病中之物已去而津液未竭者

未必復成內實答云方其太陽初病時下之不當徒亡津液胃中物去之不盡邪傳陽明而成燥糞故有內實之證○問曰病有太陽陽明有正陽陽明有少陽陽明何謂也答曰太陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也註陽明可下之證不止於胃家實是也其綱有三故又設問答以明之也太陽之邪乘胃燥熱傳入陽明謂之太陽陽明不更衣無所苦名脾約者是也太陽之邪乘胃宿食與燥熱結謂之正陽陽明不大便內實滿痛名胃家實者是也太陽之邪已到少陽法當和解而反發汗利小便傷其津液少陽之邪復乘胃燥轉屬陽明謂之少陽陽明大便澀而難出名大便難者是也謀程知曰言三陽皆有入胃府之證也陽明為水穀之海土為萬物所歸故三陽經皆能入其府邪自太陽傳入胃府者謂之太陽陽明即經所謂太陽病若吐若下若發汗後微煩小便數大便因鞭者是也由脾之斂約故用小承氣微下以和之邪自陽明經傳入胃府者謂之正陽陽明即經所謂發熱汗出胃中燥鞭譫語者是也乃胃中邪實故用大承氣以攻下之邪自少陽轉屬胃府者謂之少陽陽明即經所謂少陽不可發汗發汗則譫語此屬胃者是也係津液內竭故用麻仁丸潤下以和其津液也若三陽外證未除則陽明正治之法又不可用矣○陽明病脈浮而緊者必熱潮發作有時但浮者必盜汗出按自汗是陽明證盜汗是少陽證盜汗當是自汗之義始屬陽明病在經脈當浮長入府脈當實大今脈浮而緊潮熱有時者是陽明病而見太陽傷寒脈也則知是從傷寒傳來太陽傷寒之邪未罷必無汗故雖見陽明朝熱發作有時之證仍當從太陽陽明傷寒治之宜麻黃加葛根湯汗之若見潮熱發作有時之證而脈但浮不緊是陽明病而見太陽中風脈也則知是從中風傳來太陽中風之邪未罷必自汗出當從太陽陽明中風治之宜桂枝加葛根湯解之謀沈明宗曰此陽明證而見太陽脈也脈浮而緊太陽表寒未罷之脈潮熱發作有時則陽明裏證已具但浮者太陽風傷衛脈故必汗出也○陽明病脈遲汗出多微惡寒者表未解也可發汗宜桂枝湯按汗出多之下當有發熱二字若無此二字脈遲汗出多微惡寒乃是表陽虛桂枝附子湯證也豈有用桂枝湯發汗之理乎必是傳寫之遺蓋陽明病脈當數大今脈遲汗出多設不發熱惡寒是太陽表邪已解矣今發熱微惡寒是表猶未盡解也故宜桂枝湯解肌以發其汗使初入陽明之表邪仍還表而出也謀程知曰此言中風傳陽明表邪未解仍宜用桂枝湯以解肌也○汪琥曰此太陽病初傳陽明經中有風邪也脈遲者太陽中風緩脈之所變傳至陽明邪入裏故脈變遲汗出多者陽明熱而肌腠疎也微惡寒者在表風邪未盡也故仍從太陽中風例治之又曰雖從太陽例治但既云陽明病仲景法還宜用桂枝加葛根湯為是陽明病脈浮無汗而喘者發汗則愈宜麻黃湯註陽明病脈脈應浮大證應汗出今脈但浮表病脈也無汗而喘表實證也是太陽之邪未悉入陽明猶在表也當仍從太陽傷寒治之發汗則愈宜麻黃湯謀張璐曰陽明榮衛難辨辨之全藉於脈證風邪之脈傳至陽明自汗已多則緩去而遲在寒邪之脈傳至陽明發熱已甚則緊去而浮在此皆邪氣在經之徵若入府則遲者必數浮者必實矣設不實非胃實也必不勝攻下矣○汪琥曰無汗而喘但浮不緊何以定其為陽明病必其人目痛鼻乾身熱不得眠故云陽明病也○魏荔彤曰此太陽陽明之證入陽明未深故令其邪仍自表出不致歸於胃而無所復傳也○陽脈微而

汗出少者為自和也汗出多者為太過陽脈實因發其汗出多者亦為太過太過者為陽絕於裏亡津液大便因鞭也註此承上條互詳其脈以出其證也脈陽微謂脈浮無力而微也陽脈實謂脈浮有力而盛也凡中風傷寒脈陽微則熱微微熱蒸表作汗若汗出少者為自和欲解汗出多者為太過不解也陽脈實則熱盛因熱盛而發其汗出多者亦為太過汗出太過則陽極於裏亡津液大便因鞭而成內實之證矣勢不得不不用下法故欲發其汗者不可不早慮及此也註喻昌曰陽微者中風之脈陽微緩也陽實者傷寒之脈陽實也陽絕即亡津液之互解仲景每於亡津液者悉名無陽玩本文陽絕於裏亡津液大便因鞭甚明傷寒發太陽膀胱經之汗即當顧慮陽氣以膀胱主氣化故也發陽明胃經之汗即當顧慮陰津以胃中藏津液故也所有陽明多有熱越之證謂胃中津液隨熱而盡越於外汗出不止耳然則陽明病不論中風傷寒脈微脈實汗出少而邪將自解汗出多則陰津易致竭絕也○陽明病法多汗反無汗其身如蟲行皮中狀者此以久虛故也註陽明病法當汗多反無汗其身如蟲行皮中狀者以其人胃氣久虛邪鬱於太陽之表陽明肌腠不能宣發作汗故也宜葛根湯小劑微汗和其肌表自可愈也註汪琥曰按此條論仲景無治法常器之云可用桂枝如黃耆湯郭雅云宜用桂枝麻黃各半湯不知上二湯皆太陽經藥今條陽明無汗證仍宜用葛根湯主之○魏荔彤曰陽明病法應多汗今反無汗但見身如蟲行皮中狀者此邪熱欲出表作汗而正氣衰弱不能達之也○陽明病初欲食小便反不利大便自調其人骨節疼翕翕如有熱狀奄然發汗出而解者此水不勝穀氣與汗共併脈緊則愈註陽明病初欲食知其從中風熱邪傳來也陽明受邪當小便數大便鞭今小便反不利大便自調知津未傷而胃自和不成裏實也既不咸實則在經之邪本輕可自愈也若其人骨節疼翕翕如有熱狀是太陽之表未除也奄然發汗出而解者蓋以太陽傳來之邪本輕陽明所受之邪自淺津未傷而胃自和仍當還表作解也然必待發狂而解者此胃中水氣不勝初欲食之穀氣穀氣長陽化熱水不勝熱釀汗共併而出所以發狂作解也凡將汗解脈必先浮今言脈緊則愈者亦邪還於表欲解應見之脈也○傷寒發汗無汗嘔不能食而反汗出漉漉然者是轉屬陽明也註傷寒發熱無汗嘔不能食者太陽受病也若反汗出漉漉然者者是太陽之邪轉屬陽明也故經曰陽明病法多汗方有執曰嘔不能食熱入胃也反汗出者肌肉著熱膚腠反開也○程應旂曰太陽本證現在而反汗出漉漉然者雖表證未罷已是轉屬陽明也漉漉連綿之意即俗云汗一身不了又一身是也○傷寒脈浮發熱無汗其表不解不可與白虎湯渴欲飲水無表證者白虎加人參湯主之註傷寒之邪傳入陽明脈浮發熱無汗其表不解者雖有燥渴乃太青龍湯證不可與白虎湯即有陽明渴欲飲水熱證應與白虎者亦必審其無太陽表證始可與也加人參者以其脈浮不滑非有餘也且欲於大解熱中速生其津液也註鄭重先曰此申明用白虎湯之法以白虎但能解熱而不解表若稍帶外感有無汗惡寒身痛頭疼之表證慎不可用也白虎加人參湯方於白虎湯方內加人參三兩餘依白虎湯方

傷寒脈浮滑此以表有熱裏有寒白虎湯主之按王三陽云經文寒字當邪字解亦熱也

陽證罷邪傳陽明表裏俱熱而未成胃實之病也脈浮滑者浮為表有熱之脈陽明表有熱當發熱汗出滑為裏有熱之脈陽明裏有熱當煩渴引飲故曰表有熱裏有熱也此為陽明表裏俱熱之證白虎乃解陽明表裏俱熱之藥故主之也不加人參者以其未經汗吐下不虛故也譚程知曰滑則裏熱云浮脈則表裏俱熱矣大熱之氣得辛涼而解猶之暑暍之令得金風而爽故清涼之劑以白虎名之又曰厥陰條中有傷寒脈滑而厥者裏有熱也白虎湯主之可證此條之非裡有寒矣○魏荔彤曰此裏尚為經絡之裏非藏府之裏亦如衛為表榮為裏非指藏府而言也

白虎湯方 知母^{一兩} 石膏^{一斤} 甘草^{二兩} 粳米^{六合} 右四味以水一斗煮米熟湯成去滓溫服一升日三服 譚柯琴曰陽明邪從熱

化故不惡寒而惡熱熱蒸外越故熱汗出熱燥胃中故渴欲飲水邪盛而實故脈滑然猶在經故兼浮也蓋陽明屬胃外主肌肉雖內外大熱而未實終非苦寒之味所宜也石膏辛寒辛能解肌熱寒能勝胃火寒能沉內辛能走外此味兩擅內外之能故以為君知母苦潤苦以瀉火潤以滋燥故用為臣甘草粳米調和於中宮且能瀉火土中稼穡作甘寒劑得之緩其寒苦劑得之平其苦使二味為佐庶大寒大苦之品無傷損脾胃之慮也煮湯入胃輸脾歸肺水精四布大煩大渴可除矣白虎為西方金神取以名湯秋金得令而炎暑自解方中有更加人參者亦補中益氣而生津也用以協和甘草粳米之補承制石膏知母之寒瀉火而土不傷乃操萬全之術者也

病人煩熱汗出則解又如瘧狀日晡所發熱者屬陽明也脈實者宜下之脈浮虛者宜發汗下之與大承氣湯發汗宜桂枝湯註病人謂病太陽經中風傷寒之人也太陽病煩熱汗出則應解矣今又寒熱如瘧狀每至日晡所即發潮熱日晡者乃申酉陽明主時故曰屬陽明也證雖如此當審其果盡歸陽明耶抑或尚兼太陽也故又當以脈辨之若脈實者邪已入裏則汗出潮熱為陽明下證宜與大承湯氣下之若脈浮虛者邪尚在表則寒熱如瘧仍屬太陽當汗之證也宜與桂枝湯汗之 譚程知曰病人得汗後煩熱解太陽之邪將盡未盡其人復如瘧狀日晡時發熱則邪入陽明審矣然雖已入陽明尚恐未離太陽故必重辨其脈脈實者可下若脈浮虛者仍是陽明兼太陽便宜汗而不宜下也

○太陽病若吐若下若發汗後微煩小便數大便因鞮者與小承氣湯和之愈 註太陽病若吐若下若發汗後不解入裏微煩者乃梔子豉湯證也今小便數大便因鞮是津液下奪也當與小承氣湯和之以其結熱未甚入裏未深也 譚喻昌曰微煩小便數大便因鞮皆是邪漸入裏之機故與小承氣湯和之○程應旂曰吐下汗後而見煩證微之於大便鞮固非虛煩者比然煩既微而小便數當由胃家失潤燥氣客之使然胃雖實非大實也小承氣湯取其和也非大攻也

小承氣湯方 大黃^{四兩} 厚朴^{二兩} 枳實^{三枚} 已上三味以水四升煮一升二合去滓分溫二服初服湯當更衣不爾者盡飲之若更衣者勿服之

跌陽脈浮而濇浮則胃氣強濇則小便數浮濇相搏大便則鞮其脾為約麻仁丸主之 註跌陽胃經脈也跌陽脈浮而濇陽浮則胃氣強陰濇則小便數陰陽相搏則熱盛而液竭矣故大便則鞮也其名為約者謂脾為邪所約束不能為胃行其津液故名脾約也以麻仁丸主之養液

潤燥清熱通幽其不敢恣行承氣者以脈瀆故也謹程知曰言胃脈浮瀆不可大攻宜用麻仁丸潤法也跌陽胃脈也在足跗上動脈應手浮則陽熱盛而胃強瀆則陰津少而小便數脾主為胃行其津液者也胃陽強則脾陰弱不能為胃行其津液故約其食物如一二彈丸也此不當下而當潤之○程應旄曰麻仁丸潤燥通幽傷寒不可恣行大承氣湯可知矣所以然者以其為太陽陽明非正陽陽明胃家實者比也推之少陽陽明其不可以正陽陽明胃家實之法治之更可知矣○汪琥曰以胃強脾弱為脾約作解蓋以胃中之邪熱盛為強陽故脈浮脾家之津液少為陰弱故脈瀆用麻仁丸者以瀆胃中之陽而扶脾之陰也

麻仁丸方 麻仁二升 芍藥半斤 枳實半斤 大黃一斤 厚朴一斤 杏仁一升 右六味蜜合丸如桐子大飲服十九日三服漸加以和為度 謹方有執曰麻子杏仁能潤乾燥之堅枳實厚朴能導回結之滯芍藥斂液以輔潤大黃推陳以致新脾雖為約此能疏之傷寒吐後腹脹滿者與調胃承氣湯註傷寒吐後胸不脹滿而腹脹滿者是表邪已盡胃中壅熱故也宜與調胃承氣湯下其熱而和之以無鞭痛故不用大小承氣也 謹程知曰言吐後腹脹滿宜調胃也熱在上焦則吐吐後腹脹滿則邪不在胸其為裏實可知然脹滿而不鞭痛自不宜用急下之法但與調胃承氣和其胃熱可耳內經云諸脹腹大皆屬於熱也○程應旄曰吐傷津液燥氣不能下達遂成土鬱是以腹脹滿用調胃承氣一奪其鬱可耳

調胃承氣湯方 大黃四兩 甘草二兩 芒硝半斤 右三味以水三升煮取一升去滓內芒硝更煮兩沸少少溫服之方名調胃承氣者有調和承順胃氣之義非若大小承氣專攻下也 經曰淫熱於內治以鹹寒火淫於內治以苦寒君大黃之苦寒臣芒硝之鹹寒二味並舉攻熱瀉火之力備矣攻其速下故佐甘草之緩又恐其過下故少少溫服之其意在不峻而和也

陽明病不吐不下心煩者可與調胃承氣湯註陽明病謂已傳陽明不吐不下心煩者謂未經吐下而心煩也其為熱盛實煩可知故與調胃承氣湯瀉熱而煩自除也 謹成無己曰吐後心煩謂之內煩下後心煩謂之虛煩今陽明病不吐不下心煩則是胃有鬱熱也與調胃承氣湯以下其鬱熱○喻昌曰胃氣及津液既不由吐下而傷則心煩明係胃中熱熾故可與調胃承氣湯陽明發熱汗多者急下之宜大承氣湯 註陽明病不大便發熱汗多不止者雖無內實亦當急下之蓋因熱氣大蒸於內恐致陰津暴亡於外故以全津液為急務也宜大承氣湯下之謙喻昌曰汗多則津液外滲加以發熱則津液盡隨熱氣蒸騰達於外更無他法以止其汗惟有急下一法引熱從大腸而出庶津液不致盡越於外耳○程應旄曰此等之下皆為救陰而設不在奪實奪實之下可緩救陰之下不可緩○沈明宗曰陽明裏實以潮熱微汗為正茲見發熱汗多乃裏熱熾盛之極蒸騰胃中津液盡越於外非亟奪其邪以救津液不可故宜大承氣湯急下也

大承氣湯方 大黃四兩 厚朴半斤 枳實五枚 芒硝二斤 右四味以水一斗先煮二物取五升去滓內大黃更煮取二升去滓內芒硝更上微火一兩沸分溫再服得下餘勿服 嗽諸積熱結於裏而成滿痞燥實者均以大承氣湯下之以滿者腹脇滿急腹脹故用厚朴以消氣壅痞者心下痞塞硬堅故用枳實以破氣結燥者腸中燥屎乾結故用芒硝潤燥軟堅實者腹痛大便不通故用大黃攻積瀉熱然

必審四證之輕重四藥之多少適其宜始可與也若邪重則氣不服邪輕則氣正氣轉傷不可不慎也解柯琴曰諸病皆因於氣
穢物之不去由於氣之不順也故攻積之劑必用氣分之藥因以承氣名湯方分大小有二義焉厚朴倍大黃是氣藥為君名大承氣大黃倍
厚朴是氣藥為臣名小承氣味多性猛制大其服欲令大瀉下也因名曰大味寡性緩制小其服欲微和胃氣也因名曰小且煎法更有妙
義大承氣用水一升煮朴枳取五升去滓內大黃再者取二升內芒硝何哉蓋生者氣銳而先行熟者氣純而和緩仲景欲使芒硝先化燥
屎大黃繼通地道而後枳朴除其痞滿若小承氣以三味同煎不分次第同一大黃而煎法不同此可見仲景微和之意也○程知曰調胃
承氣大黃用酒浸大承氣大黃用酒洗皆為芒硝之鹹寒而以酒制之若小承氣不用芒硝則亦不事酒浸洗矣

陽明病下之心中懊憹而煩胃中有燥屎者可攻腹微滿初頭硬後必澀不可攻之若有燥屎者宜大承氣湯註陽明病下之後心中懊憹而
煩者若腹大滿不大便小便數知胃中未盡之燥屎復硬也乃可攻之若腹微滿不可攻也誤攻必致脹滿不能食飲水則噦等逆矣若果有
燥屎宜下者以大承氣湯下之註方有執曰可攻以上以轉失氣言懊憹懊憹痛恨之意蓋藥力不足以勝病燥硬欲行而不能故曰可攻言
當更服湯以促之也腹微滿以下以不轉失氣言頭硬後澀裏熱輕也故曰不可攻之言當止湯勿服也○程知曰言有燥屎即可大攻下也
下後心中懊憹而煩者虛煩也當與梔子豉湯若胃有燥屎則非虛煩故可攻腹不甚滿則無必下之法有燥屎則非先鞭後澀者也故可攻
又曰便鞭與燥屎不同便鞭者大便實滿而鞭燥屎者胃中宿食因胃熱而結為燥鞭之屎也故便鞭猶有用小承氣者若燥屎則無不用芒
硝之鹹寒也○程應旆曰末句乃申可攻句以決治法得病二三日脈弱無太陽柴胡證煩燥心下鞭至四五日雖能食以小承氣湯少少
與微和之令小安至六日與承氣湯一升若不大便六七日小便少者雖不能食但初頭鞭後必澀未定成鞭攻之必澀須小便利屎定鞭乃
可攻之宜大承氣湯註得病二三日無太陽少陽證煩燥心下鞭至四五日不大便若脈大屬正陽陽明胃實之證也下之無疑今脈弱雖胃
和能食不可輕下祇可與小承氣湯少少與而微和之令其小安次日仍不大便繼與小承氣湯從之若六七日竟不大便而小便少者即不
能食亦屬胃中尚未乾燥屎未定鞭如大攻之初見鞭後必澀也須待小便利知屎定鞭乃可攻之宜大承氣湯註方有執曰太陽不言藥以有
桂枝麻黃之不同也少陽言藥以專主柴胡也凡以此為文者皆互發也以無太少二經證故知此屬陽明以脈弱故宜微和至六日以下乃
歷叙可攻不可攻之節度也○程應旆曰能食以結在腸間而胃火自盛也先以小承氣湯少少與之和胃中之火令少安後以前藥增至一
升去腸中之結既用小承氣矣而又減去分數接續投之以脈弱之胃其稟素虛而為日又未久也○張璐曰此段之能食不能食全與辨風
寒強弱無涉言能食者不可以為胃強而輕下不能食者不可以為胃中有燥屎而輕下也○陽明病脈遲雖汗出不惡寒者其身必重短氣
腹滿而喘有潮熱者此外欲解可攻裏也手足濇然汗出者此大便秘也大承氣湯主之若汗多微發熱惡寒者外未解也其說不潮未可
與承氣湯若腹大滿不通者可與小承氣湯微和胃氣勿令大泄下註陽明病脈遲雖汗出不惡寒外證欲解而脈不實尚未可攻也若其人
身重熱困於體也短氣而喘熱壅於上也腹滿潮熱熱聚於中也手足濇然汗出大便已鞭熱結於下也斯為外邪已解內實已成始可攻之

主以大承氣湯可也若汗出微發熱惡寒者則外猶未解也其熱不潮者裏猶未實也不可與承氣湯即有裏急腹大滿不通等證亦祇宜與小承氣湯微和胃氣勿令大泄下蓋以脈遲故也謹方有執曰潮熱陽明主於申酉戌故熱作於此時如潮之有信也手足濇然而汗出者脾主四肢而胃為之合胃中燥實而蒸騰達於四肢故曰大便已鞭也林瀾曰此節辨脈遲內結之或宜大承氣攻之或但以小承氣微和之也陽明病脈遲證兼汗出不惡寒身重短氣腹滿而喘似屬可攻然必有潮熱者為外證已解裏證已具手足濇然汗出者為大便已鞭主以大承氣湯攻之矣疑若汗出雖多猶見發熱惡寒則表尚在也其熱不潮汗亦非手足濇然之汗安可與承氣以攻之乎即腹大滿不通亦祇可與小承氣微和勿令大泄下此何以故脈遲便非必下之脈雖內結亦宜大承氣所宜哉○陽明病潮熱大便微鞭者可與大承氣湯不鞭者不可與之若不大便六七日恐有燥屎欲知之法少與小承氣湯入腹中轉失氣者此有燥屎也乃可攻之若不轉失氣者此但初頭鞭後必澹不可攻之攻之必脹滿不能食也欲飲水者與水則噦其後發熱者必大便復鞭而少也小承氣湯和不轉失氣者慎不可攻也註陽明病潮熱大便微鞭者可與大承氣湯不鞭者不可與之也若不大便六七日恐有燥屎欲知之法少與小承氣湯入腹中轉失穢氣則為有燥屎乃可攻之若不轉失穢氣此但初頭鞭後必澹是尚未成鞭也不可攻之攻之必寒氣乘虛上逆脹滿不能食也欲飲水者得水則噦亦由虛寒之氣上逆不能化水而下輸也若其後所發潮熱不退必是大便再鞭但已經下後所鞭者無多祇以小承氣湯和之可也故凡服承氣湯不轉失氣者慎不可攻也此蓋仲景戒人不可輕下之意謹方有執曰此以潮熱轉失氣次第而詳言之以決當下之候也轉失氣反出也脹滿樂寒之過也噦亦寒傷胃也復鞭而少者重下故也未句重致叮嚀之意○喻昌曰若腹中氣仍不轉則不但用大承氣大差即小承氣亦差矣○程知曰上條曰外欲解可攻裏曰外未解未可與承氣曰可與小承氣微和胃氣勿令大泄下此條曰可與曰不可與曰乃可攻之不可攻之曰少與小承氣曰以小承氣和之慎不可攻多少商量慎重之意故惟手足濇然汗出大便燥鞭者始主之以大承氣若小承氣猶是微和胃氣之法也○汪琥曰轉失氣則知人大便已鞭腸胃中燥熱之甚故其氣不外宣時轉而下不轉失氣則腸胃中雖有熱而滲孔未至於燥此但初頭鞭後必澹也○陽明病譫語發潮熱脈滑而疾者小承氣湯主之因與承氣湯一升腹中轉失氣者更服一升若不轉失氣者勿更與之明日又不大便脈反微澹者裏虛也為難治不可更與承氣湯也註陽明病譫語潮熱脈滑而疾者是可攻之證脈也然無濇濇然之汗出與小便數大便鞭燥實等證則不可驟然攻之宜先與小承氣湯一升試之若腹中轉失穢氣則知腸中燥屎已鞭以藥少未能盡下所轉下者但屎之氣耳可更服一升促之自可下也若不轉失氣則勿更與服俟明日仍不大便診其脈仍滑疾則更服之今脈反見微澹則是裏虛無氣不能承送故為難治所以不可更與承氣湯也謹方有執曰滑以候食故為大便鞭之診疾者屬裏熱也微者陽氣不充無以運行澹者陰血不足無以潤送故曰陽微不可下無血不可下此之謂也○張璐曰此條脈滑而疾有譫語潮熱而無鞭滿實證祇宜以小承氣湯下之而下之而脈反微澹證變裏虛故為難治○傷寒若吐若下後不解不大便五六日至十餘日晡所發潮熱不惡寒獨語如見鬼狀者則不可入藥下之也

服被趙嗣真曰活人書云弦者陽也滑者陰也陽病見陽脈者生在仲景脈法中弦滑屬陰不屬陽得無疑乎今觀本大內脈弦者生之弦字當是滑字若是弦字弦為陰負之脈豈有必生之理惟滑脈為陽始有生理滑者塞凡物理皆以通為生塞為死玩上條脈滑而疾者小承氣主之脈微滑者裏虛為難治益見其誤傷寒若吐若下後津液已亡而表不解邪因人裏不大便五六日至十餘日仍不大便日晡所發潮熱不惡寒者此乃表邪悉罷裏熱漸深也仍宜大承氣湯蕩盡餘邪以存陰液自可愈也若因循失下以致獨語如見鬼狀病勢劇者則不識人循衣摸床驚惕不安微喘直視見一切陽亢陰微孤陽無依神明擾亂之象當此之際惟診其脈滑者為實堪下則生滑者為虛難下則死若病勢微者但見潮熱識語不大便之證而無前神昏等劇者宜以大承氣湯下之若一服利即止後服蓋恐其過也按循衣摸床危惡之候也一以陰氣未竭為可治如太陽中風火劫變逆捨衣摸床小便利者生不利者死是也一以陽熱之極為可攻如陽明裏熱成實循衣摸床脈滑者生滑者死是也大抵此證多生於汗吐下後陽氣大虛精神失守經曰四肢者諸陽之本也陽虛故四肢擾亂失所倚也以獨參湯救之汗多者以參湯厥冷者以參附湯治之愈者不少不可概謂陽極陰竭也謙喻昌曰此條舉語之勢重者為言而勢重之中復分二等劇者主死微者主生故以大承氣湯下之程知曰婁全善治循衣摸床每以補益得愈亦因其脈證之不足也劉守真每以承氣治熱病法雖主於仲景而辨證其未能如此詳悉故開後人鹵莽之端又曰喘則氣欲上脫微喘者邪實於內而不能大喘也不識人循衣摸床心欲絕也動惕不安肝欲絕也微喘肺欲絕也直視腎欲絕也內經所謂三陰三陽五藏六府皆受病榮衛不行藏府不通故脈滑者死也汪琥曰日晡所發潮熱者一府是燥甚故當其經氣王時發潮熱也獨語者即譫語也病人自言為譫獨語如見鬼狀乃陽明府而妄見妄聞劇者甚也成註曰熱甚昏冒正氣故不識人循衣摸床者陽熱偏勝而躁動於手也惕而不安者胃熱沖膈心神為之不寧也又胃熱甚而氣上逆則喘直視則邪干臟矣故其生死之機須於脈候決之陽明病本自汗出醫更重發汗病已差尚微煩不了了者此大便必硬故也以亡津液胃中乾燥故令大便硬當問其小便日幾行若本小便日三四行今日再行故知大便不久出今為小便數少以津液當還入胃中故知不久必大便也註陽明病本應自汗出醫誤以為風邪更重發汗病已差尚微煩不了了者此大便必硬故也然無或滿或痛之苦者以重汗亡津胃中乾燥故大便硬本無宿食也則當問其小便日幾行若本一日三四行今日祇再行可知大便不久則出蓋小便數少則津液當還胃中故知不久必大便自出不須藥也謙方有執曰水穀入胃其精者為津液粗者成渣滓水精滲出腸胃之外清者為津液濁者外而為汗下而為小便故汗與小便過多者皆能奪乎津液所以渣滓之為大便者乾燥結硬而難出也然二便者水穀分行之道路此通則彼塞此塞則彼通小便出少則津液還停胃中必大便潤而自出也陽明病自汗出若發汗小便自利者此為津液內竭雖硬不可攻之當須自欲大便宜審煎導而通之若土瓜根及大豬胆汁皆可為導註此承上條詳其義以明其治也陽明病自汗出或發汗小便自利者此為津液內竭雖大便硬而無滿痛之苦不可攻之當待津液還胃自欲大便燥屎已至直腸難出肛門之時則用蜜煎潤竅煎燥導而利之或土瓜根宣氣通燥或豬胆汁清熱潤燥皆可為引導法擇而用之可也謙成無己曰津液內竭腸胃乾燥大便因硬此非結熱故不可攻宜以潤藥外治

而導引之○張璐曰凡係多汗傷津及屢經汗下不解或尺中脈遲弱元氣素虛之人常攻而不可攻者並宜導法程應旆曰小便自利者津液未竭與胃中津液內竭而鞭故自欲大便但苦不能出耳須有此光景時方可從外導法清潤其腸腸潤則水流其須津液自歸還於胃故不但大便通而小便亦從內轉矣

蜜煎導方 蜜七合一味內銅器中微火煎之稍凝似飴狀攪之勿令焦著欲可丸餅手捻作挺子令頭銳大如指長二寸許當熱時急冷則硬以內穀道中以手急抱欲大便時乃去之 內臺方用蜜五合煎凝時加見角米五錢蘸捻作挺以豬胆汁或油潤穀道內之

豬膽汁方 大豬膽一枚瀉汁和法醋少許以灌穀道內如一食頃當大便出宿食惡物甚效 內臺方不用醋以小竹管插入膽內留一頭用油潤內入穀道中以手將膽捻之其汁自入內此方用之甚便

土瓜根方 缺按土瓜即俗名赤雹也肘後方治大便不通採根搗汁用筒吹入肛門內此與上豬膽汁方同義內臺方用土瓜根削如挺內入穀道中誤矣蓋蜜挺入穀道能烱化而潤大便土瓜根不能烱化如削挺用之恐失仲景製方之義

傷寒六七日目中不了了睛不和無表裏證大便難身微熱者此為實也急下之宜大承氣湯註少陰病得之二三日口燥咽乾急下之宜大承氣湯者乃因熱勢甚速消灼腎水津液不能到咽故不必待其有可下之證而急下之是下其熱以救將絕之水緩則腎水乾竭陽必無依躁冒自焚而死也目中不了了睛不和者陰證也睛不和者陽證也今傷寒六七日目中不了了睛不和者是腎水為胃陽所竭水既不能制

火則火上熏於目而眸子矇眊為之不了了也此熱結神昏之漸危惡之候也雖外無陽證惟身微熱內無滿痛祇大便難亦為熱實故曰此為實也急以大承氣湯下之瀉陽救陰以全未竭之水可也睛不和者謂睛不活動也謀方有執曰了了猶瞭瞭也素問曰陽明主肉其脈俠鼻絡於目靈樞曰足陽明之正上循咽出於口還繫目系合於陽明也又曰足陽明之筋其支者上頸上俠口合於頰下結於鼻上合於太陽

太陽為目上綱陽明為目下綱所以目中不了了睛不和胃實也急下者任脈循面入目督脈上繫兩目中央諸脈皆屬於目而人之精神注焉是以宜急下也○喻昌曰少陰有急下三法以救腎水一本經水竭一本邪涌水一土邪凌水陽明亦有急下三法以救津液一汗多津

越於外一腹滿津結於內一目睛不慧津枯於中合兩經下法以觀病情生理如身在冰壺腹飲上池矣張錫駒曰陽火亢極陰水欲枯故使目中不了了而睛不和不急下之所以抑亢極之陽火而救垂絕之陰水也○魏荔彤曰陽明燥屎應下胃實應下俱詳考其脈證矣乃有表裏無他證獨於陽明胃脈所發見端倪處體認其證如傷寒六七日太陽已罷陽明已成其目昏暗矇眊若隔雲霧而不了了明白者此證名為睛不和不也陽明熱盛循經絡而發其昏矇之象以致睛失其光此內熱盛而為實其機已兆兼以大便鞭而難身有微熱者則胃實已真故

曰此為實也急下之宜大承氣湯○病人小便不利大便下難下易時有微熱喘冒不能卧者有燥屎也宜大承氣湯註陽明病之人小便自利大便當鞭小便不利大便不鞭是知鞭不鞭不在熱不熱而在液之竭與不竭也今小便不利而大便下難下易者蓋欲將欲作結而液未竭也有時微熱者熱入裏也喘者熱乘肺也冒者熱乘心也不能卧者熱併陽也此皆一派熱結便鞭之微神昏譫狂之漸雖無滿痛亦必有

利大便當鞭小便不利大便不鞭是知鞭不鞭不在熱不熱而在液之竭與不竭也今小便不利而大便下難下易者蓋欲將欲作結而液未竭也有時微熱者熱入裏也喘者熱乘肺也冒者熱乘心也不能卧者熱併陽也此皆一派熱結便鞭之微神昏譫狂之漸雖無滿痛亦必有

利大便當鞭小便不利大便不鞭是知鞭不鞭不在熱不熱而在液之竭與不竭也今小便不利而大便下難下易者蓋欲將欲作結而液未竭也有時微熱者熱入裏也喘者熱乘肺也冒者熱乘心也不能卧者熱併陽也此皆一派熱結便鞭之微神昏譫狂之漸雖無滿痛亦必有

利大便當鞭小便不利大便不鞭是知鞭不鞭不在熱不熱而在液之竭與不竭也今小便不利而大便下難下易者蓋欲將欲作結而液未竭也有時微熱者熱入裏也喘者熱乘肺也冒者熱乘心也不能卧者熱併陽也此皆一派熱結便鞭之微神昏譫狂之漸雖無滿痛亦必有

既微熱時作喘冒不能臥則有燥屎已的自宜下逐裏實為急安可復以小便利尿定鞭始可攻之常法拘哉○汪琥曰此條病未經下而有燥屎乃醫人不易識之證成無已云小利便則大便鞭此有燥屎乃理之常令病人小便不利大便乍難乍易何以知其有燥屎耶蓋大實大滿之證則前後便皆不通大便為燥屎乘塞未堅結者或有時而併出故乍易其極堅結者終著於大腸之中故乍難燥屎結積於下濁氣攻衝於上以故時有微熱微熱者熱伏於內不得發洩也後條辨云濁氣乘於心肺故既冒且喘也不得臥者胃有燥屎所擾即胃不和則臥不安也凡此者皆是有燥屎之徵故云宜大承氣湯○病人不大便五六日繞臍痛煩躁發作有時者是燥屎積於大腸則煩躁不攻則不煩躁故發作有時也不須便五六日繞臍痛者是腸胃中燥屎結無去路故繞臍痛也煩躁發作有時者是燥屎積於大腸則煩躁不攻則不煩躁故發作有時也不須以小承氣湯試之直以大承氣湯下其燥屎大便利自可愈也○辨方有執曰病人謂凡有病之人而證犯如此者則皆當如此治之此示人辨凡百胃實之大旨也○程應旆曰攻法必待有燥屎方不為誤攻所以驗屎之法不可不備無特轉失氣之一端也病人雖不大便五六日屎之燥與不燥未可知也但繞臍痛則知腸胃乾屎無去路滯滯在一處而作痛煩躁發作有時者因屎氣攻動則煩躁發作又有時伏而不動亦不煩躁而有繞臍痛者斷其不大便當無差矣何大承氣湯之不可攻耶○本下後六七日不大便煩不解腹滿痛者此有燥屎也所以然者本有宿食故也宜大承氣湯註此承上條以明其治也下之未盡仍當下之乃大下之後六七日後不大便煩亦不解腹仍滿痛者此有燥屎下之未盡也所以然者本有宿食故也宜大承氣湯復下之自愈也○譚程知曰大下之後宜乎病解矣乃復六七日不大便煩不解而腹滿痛此必有燥屎未盡而然蓋宿食因熱復為之結鞭也○陽明病下之其外有熱手足溫不結胸心中懊憹不能食但頭汗出者梔子豉湯主之註陽明經病下之身熱未除手足溫不結胸者是所陷之邪淺也心中懊憹不能食但頭汗出者是陽邪蒸鬱於胸膈間也故宜梔子豉湯涌其熱也○譚程知曰其外有熱者經邪未解也手足溫者熱入未深也○程應旆曰懊憹擾胃故不能食食熱鬱氣蒸故但頭汗出○魏荔形曰表邪未全入裏乃即以為胃實而遽下之則其外仍有熱究不能隨下藥而蕩滌也於是雖熱而不潮手足雖溫而無濺然之汗出則是在表者仍在表而下之徒傷其裏耳即不至於全在太陽者誤下成結胸而心下懊憹不能食但頭汗出其陽明蒸蒸之熱為陰寒之藥所鬱但凝塞於胸膈之上其證已昭然矣但病仍帶表既不可再下且已入裏又不可復發汗惟有主以梔子豉湯仍從太陽治也○傷寒嘔多雖有陽明證不可攻之註傷寒三陽多有嘔證以其風寒之表未除胸中陽氣為寒所鬱故皆不可攻下也其乾嘔而惡寒發熱者屬太陽也喜嘔而寒熱往來者屬少陽也今雖祇有惡熱不惡寒大便鞭之陽明證而嘔多亦不可攻之其氣逆在上而未欲為實也○譚沈明宗曰惡寒發熱之嘔屬太陽寒熱往來之嘔屬少陽但惡熱不惡寒之嘔屬陽明然嘔多則氣已上逆邪氣偏侵上腕或帶少陽故雖有陽明證慎不可攻也○陽明中風口苦咽乾腹滿微喘發熱惡寒脈浮而緊若下之則腹滿小便難也註陽明謂陽明裏證中風謂太陽表證也口苦咽乾少陽熱證也腹滿陽明熱證也微喘發熱惡寒太陽傷寒證也脈浮而緊傷寒脈也此為風寒兼傷表裏同病之證當審表裏施治太陽陽明病

訂正傷寒論註陽明全篇

多則以桂枝加大黃湯兩解之少陽陽明病多則以大柴胡湯和而下之若惟從裏治而遂以腹滿一證為熱入陽明而下之則表邪乘虛復陷故腹更滿也裏熱愈竭其液故小便難也諫程知曰此言陽明兼有太陽少陽表邪即不可攻也陽明中風熱邪也腹滿而喘熱入裏矣然喘而微則未全入裏也發熱惡寒脈浮而緊皆太陽未除之證口苦咽乾為有少陽之半表半裏若誤下之則表邪乘虛內陷而腹益滿矣兼以重七津液故小便難也○程應旆曰此條與太陽大青龍證同太陽以風寒持其榮衛故有煩躁證而無腹滿證此以風寒持住陽明故有腹滿證而無煩躁證然口苦咽乾實與煩躁同其機兆也○陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反謔語若加溫鍼必怵惕煩躁不得眠若下之則胃中空虛客氣動膈心中懊懣舌上胎者梔子豉湯主之若渴欲飲水口乾舌燥者白虎加人參湯主之若脈浮發熱渴欲飲水小便不利者猪苓湯主之陽明病汗出多而渴者不可與猪苓湯以汗多胃中燥猪苓湯復利其小便故也註此承前條互發其義以明其治也前條表證居多戒不可誤下此條表裏混淆脈證錯雜不但不可誤下亦不可誤汗也若以脈浮而緊誤發其汗則奪液傷陰或加燒鍼必益助陽邪故識語煩躁怵惕憤亂不眠也或以證之腹滿惡熱而誤下之則胃中空虛客氣邪熱擾動胸膈心中懊懣舌上生胎是皆誤下之過宜以梔子豉湯一涌而可安也若脈浮不緊證無懊懣惟發熱渴欲飲水口乾舌燥者為太陽表邪已衰陽明燥熱正甚宜白虎加人參湯滋液以生津若發熱渴欲飲水小便不利者是陽明飲熱並盛宜猪苓湯利水以滋乾陽明病法當多汗因汗出多致小便少而渴者不可與猪苓湯蓋以汗多胃燥無水不能下行乃水涸之小便少非水蓄之小便不利也恐猪苓湯更利其小便則益竭津液而助燥矣按太陽病煩熱無汗而渴小便利者大青龍湯證也小便不利者小青龙湯去半夏加花粉茯苓證也太太陽病煩熱有汗而渴小便利者桂枝合白虎湯證也小便不利者五苓散證陽明病煩熱無汗而渴小便利者宜葛根湯加石膏主之小便不利者以五苓散加石膏寒水石滑石主之陽明病煩熱有汗而渴小便利者宜白虎湯小便不利者以猪苓湯少陽病寒熱無汗而渴小便利者當以小柴胡湯去半夏加花粉小便不利者當以小柴胡湯加茯苓太陰無渴少陰陽邪煩嘔小便亦而渴者以猪苓湯少陰陰邪下利小便白而渴者以真武湯厥陰陽邪消渴者白虎加人參湯厥陰陰邪轉屬陽明渴欲飲水者少與之則愈證既不同法亦各異當詳審而明辨之諫喻昌曰發熱以上與前條同而汗出不惡寒反惡熱身重四者皆陽明之見證所以汗下燒鍼俱不可用舌上胎則膈熱盛故涌以梔子豉而徹去其膈熱斯治太陽而無碍陽明矣若前證更加口乾舌燥則宜用白虎湯以解熱生津更加小便不利則宜以猪苓湯以導熱滋乾也其汗多而渴不可與猪苓湯者以熱邪傳入陽明必先耗其津液加以汗多復奪之於外又利小便更奪之於下則津液有立亡之患故示

應旆曰熱在上焦故用梔子豉湯熱在中焦故用白虎加人參湯熱在下焦故用猪苓湯

猪苓賦 茯苓 阿膠 澤瀉 滑石 右五味以水四升先煮四味取二升去滓內阿膠烱消溫服七合日三服 諫趙

景製猪苓一湯以行陽明少陰二經水熱然其舌全在蓋陰不專利水蓋傷寒表虛最忌亡陽而裏虛又患亡陰亡陰者亡腎中

氣之津液也故陰虛之人不但大便不可輕動即小便亦忌下通倘陰虛者於利則津液反致耗竭方中阿膠烱消溫服而

於太陽用五苓者以太陽職司寒水故加桂以溫之是燧腎以行水也於陽明少陰用豬苓者以二經兩關津液特用阿膠滑石以潤之是滋養無形以行有形也利水雖同寒溫迥別惟明者知之

脈浮而大心下反鞭有熱屬藏者攻之不令發汗屬府者不令溲數溲數則大便鞭汗多則熱愈汗少則便難脈遲尚未可攻註屬藏謂屬裏也屬府謂屬表也溲謂小便也脈浮而大太陽陽明脈也浮屬表大屬裏今太陽陽明之表未解而心下反鞭陽明之裏又急權乎汗下可也設裏有熱實攻之無疑不須先汗以解外也如無熱實而有脈浮之表不但不令攻之即小便不利亦不令利小便仍當解外也蓋惡溲數汗多亡其津液致大便鞭則熱愈實也若汗少脈遲即有便鞭裏尚未實亦未可攻也謀王肯堂曰論言脈浮大反發汗反下之為逆此以心下鞭有熱知傳邪入裏故舍脈而從證也大便則許攻之小便則不許利何也曰攻大便則內熱除利小便則津液傷也○林瀾曰心下鞭與腹鞭滿不同腹鞭邪已結聚成實此但在心下自與非下不可者異矣腑與臟對舉而言見一為入裏一猶屬表之義也○陽明病脈遲食難用飽飽則微煩頭眩必小便難此欲作穀疸雖下之腹滿如故所以然者脈遲故也註陽明病不更衣已食如飢食輒腹滿脈數者則為胃熱可下證也今脈遲遲為中寒中寒不能化穀所以雖饑欲食食難用飽飽則煩悶是健運失度也清者阻於上升故頭眩濁者阻於下降故小便難食鬱濕滯此欲作穀疸之微非陽明熱濕腹滿發黃者比雖下之腹滿漸減頃復如故所以然者脈遲中寒故也謀方有執曰遲為寒不化穀故食難用飽濕鬱而蒸氣逆而不下行故微煩頭眩小便難也疸黃病也穀疸水穀之濕蒸發而身黃也○張璐曰下之腹滿如故蓋腹滿已是邪陷脈遲則胃不實徒下其糟粕病既不除而反害之耳夫陽明證本當宜陽明而至腹痛尤當急下獨此一證下之腹滿必如故者緣脈遲則胃氣空虛津液不充其滿不過虛熱內壅非結熱當下之比也可見脈遲胃虛不但下之無益即發汗利小便之法亦不可用惟當用和法如甘草乾薑湯先溫其中然後少與調胃微和胃氣可也○程應旌曰熱蓄成黃之腹滿下之可去此則穀氣不得宣洩屬胃氣虛寒使然下之益虛其虛兵故腹滿如故○陽明病者中寒者不能食小便不利手足濇然汗出此欲作固瘕必大便初鞭後溇所以然者以胃中冷水穀不別故也註陽明病內熱則不大便能食小便利手足濇然汗出是當下之證也今中寒不能食小便不利雖手足濇然汗出不可下也此為中寒欲作固瘕何以知之以大便必初鞭而後溇也所以然者胃中虛水穀不分故小便不利而大便必溇也禁不能食與上條食難用飽同一不能腐熟水穀也小便不利與上條小便難同一不能下輸膀胱也惟手足濇然汗出與上條飽則微煩頭眩不同彼欲作穀疸此欲作固瘕皆胃中寒冷一以微煩頭眩陽在中上故不病瀉而病疸一以手足汗出陽在四肢故不病疸而病瀉也再上條中寒食難用飽無汗小便難欲作穀疸以其尚能少食微煩猶有陽氣故也此條中寒不能食手足冷汗小便不利欲作固瘕則是寒濕不化純陰故也固瘕者大瘕瀉也俗謂之溇瀉固者久而不正之謂也按人之汗以天地之兩名之陰陽和而後有兩陽充則熱而兩少陰盛則寒而兩多人之汗亦若是也四肢手足屬土土主脾胃若脈大其汗蒸蒸而熱則為陽盛可下之證也若脈遲其汗漉漉而寒則為陰盛可溫之證也謀程應旌曰水穀